

POT Maya: Pingla, Paschim Medinipur November 11 - 13, 2016

আনন্দবাজার পত্রিকা

২৫ কার্তিক ১৪২৩ শুক্রবার ১১ নভেম্বর ২০১৬



আজ, শুক্রবার পিংলার নয়া গ্রামে শুরু হবে পটের মেলা 'পটময়া'। এ বার সপ্তম বর্ষ। তিনদিন ধরে চলবে মেলা। থাকছে সাংস্কৃতিক অনুষ্ঠানও। শিল্প পর্যদ। মেলা উপলক্ষে আয়োজিত কর্মশালায় কী ভাবে গাছের ফুল ও পাতা থেকে ভেষজ রং তৈরি করা তা শেখানো হবে। তথ্য: দেবমালা বাগচী। ছবি: কিংসুক আইচ।

১২ নভেম্বর ২০১৬ বর্তমান পূর্ব ও পশ্চিম মেদিনীপুর



পিংলার নয়াগ্রামে পটচিত্র মেলায় চলছে কেনাকাটা। নিজস্ব চিত্র

পিংলার নয়াগ্রামে পটচিত্র মেলা শুরু

সংবাদদাতা, ঋতুগপূর: একটি বেসরকারি সংস্থার উদ্যোগে শুক্রবার থেকে পিংলার নয়াগ্রামে শুরু হয়েছে পটচিত্র মেলা। চলবে আগামী তিনদিন। ৭০টি স্টলে শিল্পীরা তাঁদের পটচিত্র তুলে ধরেছেন। প্রত্যেক বাড়ির সামনে বসানো হয়েছে স্টল। সেখানে সামাজিক ও পৌরাণিক কাহিনি অবলম্বনে পটচিত্র ফুটিয়ে তোলা হয়েছে। মেলা উপলক্ষে সাজানো হয়েছে সারা এলাকা। এই পটচিত্র মেলাতে বিভিন্ন এলাকা থেকে বহু পর্যটক এসেছেন। বিভিন্ন গাছের পাতা, ছাল ও ভেষজ দিয়ে রং তৈরি করে এখানের শিল্পীরা তাঁদের শিল্প নৈপুণ্য ফুটিয়ে তোলেন। এখানকার শিল্পীরা বিদেশেও সমাদর পান। অনেকে বিদেশে গিয়ে তাঁদের শিল্প নৈপুণ্য তুলে ধরেছেন। তাঁদের থেকেই এই মেলায় প্রতি বিদেশি পর্যটকদের আকর্ষণ বেড়েছে। তাঁদের থাকার জন্য ব্যবস্থা করা হয়। মেলায় পশাপাশি হয় প্রশিক্ষণ শিবির ও আলোচনা সভা।

সংবাদ প্রতিদিন শনিবার ১২ নভেম্বর ২০১৬ মেদিনীপুর

পুরনো নোটেই পটচিত্র কেনা যাবে পিংলার পটের মেলায়

নিজস্ব সংবাদদাতা, ঋতুগপূর: সাত বছরে পদার্পণ করল পিংলা থানার নয়াতে পটচিত্র মেলা। শুক্রবার বিকালে এই মেলায় উদ্বোধন হয়েছে। এবারের মেলাতে পটচিত্র এবং শিল্পের বিকিকিনির ক্ষেত্রে যাতে কোনও অসুবিধা না হয় তার জন্য উদ্যোক্তারা পুরনো বাতিল হয়ে যাওয়া পাঁচশো এবং হাজার টাকার নোট নেওয়ার সিদ্ধান্ত নিয়েছেন। শুধু তাই নয়, এবারে মেলাতে পুরনো বাতিল নোটের বিনিময়ে কেনাবেচার ক্ষেত্রে ২০ শতাংশ ছাড়ের ব্যবস্থাও করা হয়েছে। এই ব্যাপারে



পিংলার পট মেলায় পটচিত্র আঁকতে ব্যস্ত এক শিল্পী। —সেকত সীতরা

মেলা কমিটির সম্পাদক মনু চিত্রকর জানিয়েছেন, পুরনো বাতিল পাঁচশো ও হাজার টাকার বিনিময়ে কেউ জিনিস কিনলে তাঁকে ২০ শতাংশ ছাড় দেওয়া হচ্ছে। তাঁর বক্তব্য, এই ব্যবস্থা না করলেও ব্যবসার ক্ষতি হয়ে যেত। কারণ, সবার কাছে এখনও নতুন নোট পৌঁছয়নি। এই গ্রামের প্রতিটি বাড়ি এক একটা স্টল। এবারে এরকম ৬২টি স্টল দেওয়া হয়েছে। প্রতিটি স্টলে পটচিত্রের বিভিন্ন পসার নিয়ে শিল্পীরা বসেছেন। পটশিল্পী শাজাহান চিত্রকর। ডানু চিত্রকর, বাহাদুর চিত্রকর জানিয়েছেন, এবারে ব্যবসা ভাল হওয়ার সম্ভাবনা

রয়েছে। কারণ, প্রত্যেকে পটচিত্র ও শিল্পে পুরনো ভাবনার সঙ্গে কিছু নতুন ভাবনা, দৃষ্টিভঙ্গি নিয়ে এসেছেন। বস্তুত এই মেলায় দিকে নয়ার পটশিল্পী এবং তাঁদের পরিবারেরা বছরভর তাকিয়ে থাকেন। প্রতিবারের মতো এবারের মেলাও তিনদিন চলবে। রবিবার বিকালে শেষ হবে। এইবারের মেলায় সুইজারল্যান্ডের পাঁচজন পটচিত্র গানের দল এসেছে। এই দলটি শুক্রবার ও শনিবারে গ্রামে তৈরি মঞ্চে অনুষ্ঠান করবে। এছাড়া উদ্যোক্তারা আশাবাদী দেশি ও বিদেশি আরও অনেক অতিথিরা হাজির হবেন।

পূর্ব ও পশ্চিম মেদিনীপুর আজকাল কলকাতা শনিবার ১২ নভেম্বর ২০১৬

পটের বিবি



পিংলার নয়া গ্রামে পটচিত্র মেলা। 'নয়া'র ৮৬ টি পরিবার অংশগ্রহণ করেছে এই মেলায়। ১১ নভেম্বর থেকে তিনদিন চলবে এই মেলা। রাজ্যের বিভিন্ন এলাকা থেকে মানুষজন আসেন পটের নানান সামগ্রী কেনার জন্য। পিংলার পটশিল্পীদের সংগঠন 'চিত্রতরু' এর সম্পাদক মনু চিত্রকর জানান, আগের বছর এখানে পটচিত্র মেলায় মোট দশ লক্ষ টাকার সামগ্রী বিক্রি হয়েছিল। এবার নোটের সমস্যার দরুন বিক্রি কতটা হবে তা নিয়ে আশঙ্কায় শিল্পীরা। যদিও মেলায় ৫০০ টাকা এবং ১০০০ টাকার

₹ টেক্সটুয়াল ₹ এই সময় কলকাতা শনিবার ১২ নভেম্বর ২০১৬

পট মেলাতেও ছাপ নোট-সঙ্কটের

সমীর মণ্ডল ■ পিংলা

দেশভূজে ৫০০ টাকা, ১০০০ টাকার নোট বাতিলের প্রভাব পড়ার আশঙ্কা পিংলা পটচিত্র মেলাতেও। মেলায় প্রথমদিন শুক্রবার পটচিত্র মেলায় লোকজনের ভিড় ভালো থাকলেও জিনিসপত্র বিক্রি নেই আগের মতো। সকলেই মনে করছেন সমস্যা একটাই। দেশভূজে ৫০০, ১০০০ টাকার নোট বাতিলের ঘটনায় মানুষ বিভ্রান্ত। বাড়িতে থাকা বাতিল নোট ব্যাঙ্কে জমা দিতে বাস্তব সন্দেহ। গত বছর তিন দিনের মেলায় বিক্রি হয়েছিল দশ লক্ষ টাকার সামগ্রী। এ বার কী হবে তা নিয়ে দৃষ্টিভঙ্গি কটিকে না শিল্পীদের। 'নয়া' পটশিল্পীদের সংগঠন 'চিত্রতরু'র সম্পাদক মনু চিত্রকর বলেন, 'আজ মেলায় প্রথম দিন। এখনও দু'দিন থাকছে। আমরা পর্যটকদের যাতে কোনও সমস্যায় পড়তে না হয় তাঁর জন্য কার্ড থেকে পেপারের ব্যবস্থা রাখছি। আবার অনেকেই ৫০০ টাকা এবং ১০০০ টাকার নোট নিয়েও নিচ্ছেন।'



পটচিত্র মেলায় সাজানো পসরা

—প্রতিবেদক

'এখন গোটা বছরই পিংলার 'নয়া' গ্রামে বিভিন্ন পর্যটক আসেন পট কিনতে। তবে এবার ৫০০ টাকা ১০০০ টাকার নোট বাতিল হওয়ায় সমস্যা হবেই।' কেউ কেউ কাগজে লিখে টাঙিয়েছেন ৫০০, ১০০০ টাকার নোট চলবে। শিল্পী মণি চিত্রকর বলেন, 'এই নোট না নিলে বিক্রিই হবে না। তবে

আমরা চাইব ৫০০ বা ১০০০ টাকার নোট দিলে যেন পুরো টাকারই জিনিস কেনেন।' পট শিল্পের চাহিদা বাড়ার সঙ্গে সঙ্গে গোটা গ্রামের ৮-৬টি পরিবার যুক্ত হয়েছে এই শিল্পের সঙ্গে। দেশবিদেশে নিজদের শিল্পকর্ম নিয়ে যাচ্ছেন বিক্রির জন্য। তাঁদের তৈরি শিল্পকর্ম বিক্রির জন্য গড়ে উঠেছে রুরাল ক্রাফট হাব। সেখানে বসে সারা বছর শিল্পীরা কাজ করার পাশাপাশি তাঁদের শিল্পকর্ম বিক্রি করতে পারবেন। পর্যটকেরা গোটা বছরের যে কোনও দিন আসতে পারবেন। রুরাল ক্রাফট হাবের দোতলায় রয়েছে পর্যটকদের রাত্রি যাপনের ব্যবস্থা। তাঁদের খাওয়াদাওয়ার ব্যবস্থা শিল্পীদের বাড়িতেই। গতানুগতিক পদ্ধতিতে আঁকা শিল্পের বাইরে বেরিয়ে পট শিল্পে নতুন বৈচিত্র্য আনতে চাইছেন পট শিল্পীরা। সে সব জিনিসের চাহিদাও বাড়ছে ঘর সাজানোর জন্য। বসিরহাট থেকে মেলায় আসা শ্যামলী সেন বলেন, 'আমি এবার প্রথম এসেছি। কিছু জিনিস কিনব বলেই এসেছি। এখন ৫০০ টাকা এবং ১০০০ টাকার নোট নিয়ে সমস্যা। আমরা কাছে কয়েকটা ১০০ টাকা এবং বাকি ৫০০ টাকার নোটই আছে। তবে এখানে এসে জানতে পারলাম ৫০০ টাকা এবং হাজার টাকার নোট এঁরা নেবেন।'

এই সময়

২৩ কার্তিক ১৪২৩ বুধবার ৯ নভেম্বর ২০১৬

১১ নভেম্বর থেকে শুরু হচ্ছে
পিংলার পটচিত্র মেলা। প্রস্তুতি
হিসাবে দেওয়াল আঁকা চলছে





POT Maya: Pingla, Paschim Medinipur November 11 - 13, 2016





POT Maya: Pingla, Paschim Medinipur November 11 - 13, 2016





POT Maya: Pingla, Paschim Medinipur November 11 - 13, 2016

